

ÁKVÖRDUN FRAMKVÆMDASTJÓRNARINNAR

2012/EES/54/27

frá 31. júlí 2009

um skipun stýrihóps háttsettra embættismanna um rafrænt tilkynningakerfi í
Bandalaginu um skipakomur (SafeSeaNet) (*)

(tilkynnt með númeri C(2009) 5924)

(2009/584/EB)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun Evrópuþingsins og ráðsins 2002/59/
EB frá 27. júní 2002 um stofnun eftirlits- og upplýsingakerfis
Bandalagsins fyrir umferð á sjó ⁽¹⁾, einkum lið 2.2. í III.
viðauka við hana,

og að teknu tilliti til eftirfarandi:

- 1) Framkvæmdastjórnin ber ábyrgð á stjórnun og þróun miðlæga rafræna tilkynningakerfisins í Bandalaginu um skipakomur (SafeSeaNet-kerfið) á stefnumörkunarstigi og hefur eftirlit með því í samstarfi við aðildarríkin.
- 2) Í lið 2.2 í III. viðauka við tilskipun 2002/59/EB er kveðið á um að framkvæmdastjórnin skuli skipa stýrihóp háttsettra embættismanna til að aðstoða við stjórnun SafeSeaNet-kerfisins.
- 3) Því skal skipa stýrihóp háttsettra embættismanna og skilgreina verkefni og skipulag hans.
- 4) Stýrihópur háttsettra embættismanna skal skipaður fulltrúum aðildarríkjanna og framkvæmdastjórnarinnar.
- 5) Siglingaöryggisstofnun Evrópu (EMSA) ber ábyrgð á tæknilegri framkvæmd SafeSeaNet-kerfisins í samstarfi við aðildarríkin og framkvæmdastjórnina og í samræmi við reglugerð Evrópuþingsins og ráðsins (EB) nr. 1406/2002 ⁽²⁾ og skal hún því taka virkan þátt í starfi stýrihóps háttsettra embættismanna.
- 6) Einnig virðist nauðsynlegt að fjalla um mikilvæg málefni í tengslum við framtíðarþróun SafeSeaNet-

kerfisins þar sem einkum er tekið mið af markmiðum hinnar samþætту siglingastefnu Evrópusambandsins og markmiðum varðandi stefnumótun á sviði sjóflutninga til ársins 2018 eins og þau eru sett fram í orðsendingu framkvæmdastjórnarinnar um stefnumótandi markmið og tilmæli vegna stefnu Evrópusambandsins í sjóflutningum til ársins 2018 ⁽³⁾.

SAMÞYKKT ÁKVÖRDUN ÞESSA:

1. gr.

**Stýrihópur háttsettra embættismanna um
SafeSeaNet-kerfið**

Stýrihópur háttsettra embættismanna um SafeSeaNet-kerfið, hér á eftir nefndur „hópurinn“, er hér með skipaður.

2. gr.

Verkefni

Framkvæmdastjórninni er heimilt að hafa samráð við hópinn um hvaðeina sem lýtur að núverandi þróun og framtíðarþróun SafeSeaNet-kerfisins, þ.m.t. framlag þess til eftirlits með siglingum út frá heildrænu sjónarhorni.

Verkefni hópsins skulu vera:

- a) að gera tillögur um að bæta skilvirkni og vernd SafeSeaNet-kerfisins,
- b) að leggja fram viðeigandi leiðbeiningar um þróun SafeSeaNet-kerfisins,
- c) að aðstoða framkvæmdastjórnina við að endurskoða framlag SafeSeaNet-kerfisins,
- d) að samþykkja eftirlitsskjalið um skilflöt og virkni, sem um getur í lið 2.3 í III. viðauka við tilskipun 2002/59/EB, og hvers konar breytingar á því.

(*) Þessi EB-gerð birtist í Stjtið. ESB L 201, 1.8.2009, bls. 63. Hennar var getið í ákvörðun sameiginlegu EES-nefndarinnar nr. 61/2012 frá 30. mars 2012 um breytingu á XIII. viðauka (Flutningastarfsemi) við EES-samninginn, sjá EES-viðbæti við Stjórnartíðindi Evrópusambandsins nr. 43, 2.8.2012, bls. 49.

⁽¹⁾ Stjtið. EB L 208, 5.8.2002, bls. 10.

⁽²⁾ Stjtið. EB L 208, 5.8.2002, bls. 1.

⁽³⁾ COM(2009) 8, lokagerð.

*3. gr.***Aðild - tilnefning**

1. Hópurinn skal skipaður einum fulltrúa frá hverju aðildarríki og einum fulltrúa framkvæmdastjórnarinnar.
2. Aðildarríki skulu tilnefna fulltrúa sína í hópinn, og varamenn þeirra, til þriggja ára í senn með möguleika á endurnýjun. Þeir skulu vera háttsettir embættismenn.
3. Þeir aðilar hópsins sem framkvæmdastjórnin skipar skulu vera háttsettir embættismenn.
4. Fulltrúi Siglingaöryggisstofnunar Evrópu skal sitja fundi hópsins sem áheyrnarfulltrúi. Fulltrúi Siglingaöryggisstofnunar Evrópu skal vera háttsettur embættismaður.
5. Fulltrúum aðila að Evrópska efnahagssvæðinu er heimilt að sitja fundi hópsins sem áheyrnarfulltrúar.
6. Aðilar hópsins skulu gegna embætti sínu þar til þeir eru leystir af hólmi eða skipunartíma þeirra lýkur.
7. Leysa má af hólmi aðila sem ekki eru lengur færir um að taka virkan þátt í umræðum hópsins eða sem segja af sér störfum.

*4. gr.***Starfsemi**

1. Fulltrúi framkvæmdastjórnarinnar skal vera formaður hópsins.
2. Heimilt er, með samþykki framkvæmdastjórnarinnar, að stofna undirhópa til að skoða sérstök mál samkvæmt starfsskilmálum sem hópurinn ákveður. Þessir undirhópar skulu leystir upp um leið og þeir ljúka þeim verkefnum sem umboð þeirra tekur til.
3. Fulltrúi framkvæmdastjórnarinnar, sem er formaður hópsins, getur fengið sérfræðinga með sérþekkingu á þeim málum sem eru á dagskrá til að taka þátt í umræðum hópsins eða undirhópsins ef það telst nauðsynlegt og/eða gagnlegt.
4. Ekki má skýra frá upplýsingum, sem fengnar eru með þátttöku í umræðum hóps eða undirhóps, ef upplýsingarnar varða trúnaðarmál að mati framkvæmdastjórnarinnar.

5. Hópurinn og undirhópar hans skulu allajafna halda fundi í húsnaði framkvæmdastjórnarinnar í samræmi við málsmeðferð og áætlanir sem hún fastsetur. Framkvæmdastjórnin skal leggja hópnum til skrifstofu.

6. Hópurinn skal setja sér starfsreglur á grundvelli staðlaðra starfsreglna sem framkvæmdastjórnin hefur samþykkt.

7. Framkvæmdastjórninni er heimilt að birta allar samantektir, ályktanir eða hluta af ályktunum eða vinnuskjöl hópsins.

*5. gr.***Kostnaður vegna fundarhalda**

Framkvæmdastjórnin skal endurgreiða ferðakostnað og, þar sem það á við, dvalarkostnað aðila í hópnum, sérfræðinga og áheyrnarfulltrúa í tengslum við starfsemi hópsins í samræmi við reglur framkvæmdastjórnarinnar um þóknun til sérfræðinga.

Aðilarnir skulu ekki þiggja laun fyrir þau störf sem þeir inna af hendi.

Ábyrg þjónustudeild framkvæmdastjórnarinnar skal endurgreiða kostnað vegna fundarhalda innan ramma árlegrar fjárveitingar til hópsins.

*6. gr.***Gildistaka**

Ákvörðun þessi öðlast gildi á þeim degi sem hún birtist í *Stjórnartíðindum Evrópusambandsins*.

Gjört í Brussel, 31. júlí 2009.

Fyrir hönd framkvæmdastjórnarinnar,

Antonio Tajani

varaforseti.